

地350
42
部2337

第一百三十七册
卷二百五十八
寓賢傳二
卷二百五十九
釋道傳一
卷二百六十
釋道傳二



新纂雲南通志

盧漢題
簽



新纂雲南通志卷二百五十八目錄

寓賢傳二

楚雄府

唐

李善 郭仲翔

明

黃輔 查秉彝 汪馨 僕士忠

清

楊玉山

澂江府

元

新纂雲南通志

卷二百五十八 寓賢傳二 目錄

楚喇

明

張澥 王昭 李彥和子恂 劉茝 吳昺

吳正心 張方起 陳文偉

廣南府

清

周煜 袁術誠

順寧府

明

彭懋賢 顧經祖 陳璠 李占春 陳起相

米瑛弟琦

清

陳鳴鳳

曲靖府

明

厲汝進

諸葛元聲

熊週

王有詔

潘昌

劉守君

吳侯

清

張元宗

李鍾靈

麗江府

元

龍和

龍壽
竭都

太陽

新纂雲南通志

卷二百五十八 寓賢傳二 目錄

二

明

卓全節

敖毓元

宋守拙

黃河圖

清

萬李全

李春榮

屈爾泰

永昌府

元

托克托

明

姬思忠

周志鉉

牛城

傅天錫

范從文

劉寅

高莘

葉學則

易恆

徐有貞

楊慎

祝璫

程源

季思友

周東華

吳延齡 楊彬

清

羅勳臣 鄭浩 張槐 曾其敬

開化府

清

覃修綱

東川府

清

李耀瑚 吳桂良

昭通府

清

新纂雲南通志

卷二百五十八 寓賢傳二 目錄

三

何可贊

蒙化直隸廳

明

王汝敬 曹學 徐宏泰 陳斌

永北直隸廳

明

周良臣

清

魏珩 張錫祚 韓文宗 傅登龍 劉漢恂

廣西直隸州

明

王訪

武定直隸州

明

程濟

郭節

黃直

馮灌

程亨

焦雲

史仲彬

嚴震

尙禔

謝秉鉉

馮萬保

曹亮

彭學曾

元江直隸州

清

鄧魁春

黑鹽井直隸提舉司

明

張伯源

閃安之等

新纂雲南通志卷二百五十八

寓賢傳二

楚雄府

唐

李善江都人邕之父有雅行淹貫古今不能屬辭故人號書籠顯慶中累擢崇賢館直學士兼沛王侍讀爲文選注敷析淵洽表上之賜賚頗渥除潞王府記室參軍爲涇城令坐與賀蘭敏之善流姚州遇赦還居汴鄭間講授諸生四遠至傳其業號文選學

唐書李邕傳

郭仲翔河北人有才學開元初李蒙出爲姚州都督帥師討南蠻仲翔父元振屬蒙將仲翔行蒙以爲判官委之軍事遂州方義尉吳保安其同鄉也寓書仲翔希其薦達仲翔即言於蒙召爲管記保安至

新纂雲南通志

卷二百五十八

寓賢傳二

楚雄府

一

姚州而蒙軍已沒仲翔自蠻中間關致書於保安曰吾今在厄力屈計窮而蠻俗沒留許親族往贖願足下竭力爲之保安得書傷其遇乃爲報書許贖仍傾家得絹二百匹十年不歸後其妻饑寒不能自立遂率弱子駕一驢自往瀘南求其夫所在去姚州尚數百里而糧已盡哭於路左時姚州都督楊安居赴郡訪得其故大驚異即馳至郡假官絹四百匹以濟保安終贖仲翔歸至姚州始相識相持而哭安居曾事郭尙書則爲仲翔洗浴賜衣裝令攝治下尉仲翔乃辭安居歸計離家凡十五年矣至京以功授蔚州錄事參軍尋以憂去服除行求保安而保安已遷彭山丞與其妻皆卒於彼仲翔聞之哭甚哀因制縗麻環絰加杖自蜀郡徒跣哭不絕聲至彭山設祭酹畢出其夫妻骨墨記之盛於練囊徒跣親負之徒行數千里至魏郡保安



有一子仲翔愛之如弟於是盡以家財二十萬厚葬保安仍刻石頌美親廬其側行服三年既而為嵐州長史攜保安子之官為娶妻恩養甚至天寶十二年詣闕讓朱紱及官於保安之子以報時人甚高之

檀萃農部頌錄

明

黃輔巴縣人成化間以舉人任南安學正後寓廣通聚徒講學士類賴其陶成卒後知縣蔣哲營葬於東山今子孫世居南安

康熙志

查秉彝海寧人進士嘉靖間劾嚴嵩謫定遠縣典史

明外史

汪馨竹溪人明永曆中任雲南總兵官頗有戰功及帝遇害遂掛冠携妻子隱於姚安卜居彌興街倡建彌壩水利至今賴之

姚州志

僕士忠溧陽人學士僕斯之後官於姚有惠政氏愛之因卜居焉

康熙志

新纂雲南通志

卷二百五十八

寓賢傳二

楚雄府

唐

明

清

二

澂江府

元

明

清

清

楊玉山字蘊輝江西人賈於姚州遂家焉治家以禮嚴內外之防富而好施鄉人有待以舉火者嘗出千金再建彌興河橋

探訪

澂江府

元

楚喇蒙古人官右丞謫滇至澂江愛漱玉山華藏寺幽秀遂棲息其中以詩書自娛足跡不履城市卒葬於寺之半山

康熙志澂府江志

明

張澂河汾人元末舉進士授迪功郎洪武中因書南遷寓澂江以文

學名

正德志

王昭字仲彰贛縣人官陝西監察御史洪武間以言事謫戍河陽教

授生徒多所成就康熙志

李彥和 李恂彥和號茗溪長興人洪武間謫戍澂江能詩文邑人多從受學子恂從父至澂亦工辭翰康熙志

劉莖字文秀富順人翰林寓居河陽工詩文風流豪放士大夫多從之遊著有愛蓮軒集萍演信筆雍正志

吳昂字昭侯閬中人崇禎壬午拔貢流寇掠蜀避難寓河陽安靜簡潔教子成名年八十二卒澂江府志

吳正心宜興人一作荆溪人明末進士一作舉人歷官雲南富民知縣嵩明知州有正聲丁亥流寇亂滇阻兵南中悅新興山水秀麗隱跡蕭寺卒葬焉

參雍正志澂江府志新興州志

張方起字耕烟桐鄉人順治辛丑進士知江川縣吳三桂反脅以官

新纂雲南通志

卷二百五十八 寓賢傳二 澂江府明 廣南府清

三

不受知州李國維雅重之為聚徒起春堂講學論文著有千松巖墨蹟地方文風為之不振採訪

陳文偉江西人舉人流寓路南有學識尤精於易從學者多得其傳雍正志

廣南府

清

周煜上元人寓居廣南習儒通元數孝友睦婣磊落奇偉有處士風

廣南府志

袁術誠合江人乾隆壬午舉於鄉任峇峩易門等處知縣後罷官主講廣南蓮峯書院學問深純悃幅無華善啟迪諸生片言居要經指授者為文皆有程度多成名愛蓮城山水因家焉廣南府志

順寧府

明

彭懋賢江西人寓居騰越萬曆間應順寧守余懋學聘遂家於順寧懋賢經明行修留心後學余屢為置產不受賓主交相為重者幾二十年九十一歲卒

順寧府志

顧經祖字二龍四川人崇禎庚辰進士奉取就道時兵戈未靖因來順寧築室於落黨山村吟嘯自若而興利除害之心見則行之鄉人多高其義年八十有四卒

道光志

陳璠字虹也一字瑕無自稱麗農山人內江人明崇禎中由孝廉仕至戶部員外性恬退棄官來遊雲南鼎革後抗節不屈順寧太守米璵重其為人請掌育賢館講經以授學者強識敦倫明於薰育一時

新纂雲南通志

卷二百五十八

寓賢傳二 順寧府 明

四

郡庠文藝之士多出其門即向之桀傲者亦化為慈善留順五年成材甚眾著有才子驚夢集五卷育賢館小志四卷時與璠同客順寧者有黃平李占春武剛劉克安南昌姜之璉富順陳起相洪雅祝之至歙縣汪錫朋習莪鄭樵長沙陳鳴鳳和州黃河圖宛平米瑛米琦賓主友朋風雅彬彬皆佳會不易遘者

明季滇南遺民錄

李占春字尚白一字少伯黃平人明季官吏明亡棄官遊順寧工詩知府米璵優禮之留順半年歸里其留別詩云浪遊如倦鳥倦極望巢歸夜氣慙孤劍春風戀野薇到來星偶聚別去夢難違倘不忘雞黍君當訪翠微其別陳邕治云解組才誠拙求衣志亦癡是棄官為僧又與汪咸伯約在黔中卜靜室云幻鹿憑同夢新花笑共拈則是歸去竟披剃入山矣

滇繫陳戶部傳

陳起相字梅安富順人明亡後披薙爲僧稱無盡和尚自蜀來滇遊順寧知府米璫館之於荒菴旋入雞足山

滇繫陳戶部傳

米璫號一岳居士米琦號二岳居士宛平人

一作安化

順寧知府米璫之兄

也父忠毅公壽圖明末殉難鼎革後璫琦高蹈不仕曾漫遊至滇寓順寧皆能詩璫有拜屈賈二先生祠云才子忠魂饗一庭荒祠肅肅觀精靈漢文有道空談鬼楚國無風遂擬經雲磬似聞長太息酒盃莫慰獨爲醒淒涼江上漁歌發懷古情深未忍聽此詩蓋赴滇道經長沙作陳璠稱其所刻近草如燕都篇廣陵夜尤精警可傷則眞作者也琦有夜飲步韻云宇宙大如斗一身安所歸無魚空憶釣有客獨供薇瘴草迷山屐寒霜襯竹扉相逢聊共醉那復羨形闈又山居限韻二首云逍遙杖望不知春蟬噪驚聞秋色新對鏡休言僧白髮

逃禪業已愧先人升沉久付當年事寵辱難牽此際身但慮浮生勞歲月誰論修道苦清貧遯跡長林幾度春豆花又傍海棠新休嗟隻影難同俗獨愛青山不讓人嘯傲煙霞千日酒卷舒天地百年身機忘是處多眞趣鼻犢何嫌北阮貧讀其詩可以知其意之所在矣璫琦寓順不數年後皆歸去

明季滇南遺民錄

清

陳鳴鳳湖廣人能詩文工篆刻遊於雲州僑寓久之頗有吟咏

順寧府志

曲靖府

明

厲汝進字子修灤州人進士嘉靖間爲戶科都給事中劾嚴嵩謫雲

南亦佐典史

明外史

諸葛元聲不知何許人萬曆間隱名爲諸昌貞至曲靖以賈筆爲業一日見郡中諸生會課閱其藝曰諸公文固佳但題旨尙未透澈援筆改正數藝羣相推服因請入書院教授著有吟水集五經闡蘊詩雅詞林等集後與其弟元敬歸故鄉雍正志

熊週字六有臨川人淹貫書史兼工書畫萬曆間遊學至陸涼從學爲文者知法度由是生徒日衆遂家焉提學范允臨見其文奇之有學冠全滇之目雍正志

王有詔字世綸蜀人明末隨父官黔中因流寇陷蜀舉家被害乃寓宣威讀書談道性情和藹年九十餘雖盛暑必整衣冠能作小楷如米粒大勻淨端楷森然可法人稱有古君子風雍正志

潘昌字燕如號裕菴山陰人博學能文尤長於詩弱冠挾策入都不

遇放懷山水到處輒有題咏明末寓宣威與知州王鼎鉉相友善郡人士學詩詞者皆師事之著有方城草滇南草數十卷雍正志

劉守君字忠字沅陵人官按察使過陸涼樂其風景致仕後因卜居焉爲人疏爽多蘊藉工詩善書陸涼州志

吳侯字則立江寧人明光祿寺卿棄官遊滇明亡隱居羅平大洒馬邑高潔端方廣羅鎮總兵趙良棟羅平州牧張傑程封咸敬重之著有紛遊草惟暉堂詩文集參雍正志羅平州志

清

張元宗江南人乾隆初流寓羅平誠樸好善嘗與人說古事類皆醒世良言衣食極儉蓄得銀百餘兩送城隍廟置田收息作香火州人嘗述之樂道其善州牧蔣玘立碑記其事道光志

鍾靈先生姓李不知其名四川人熟經史能詩尤長於醫乾隆二十年間至曲靖士人多依之一日見童子抱腹而嘔曰此子腸外生瘡醫遲必死其父請醫鍼之膿出即愈又一人暴病將死鍾靈以黑藥一粒研水自牙縫灌之少頃即愈自是名振滇南活人甚衆人稱爲鍾靈先生郡之善醫者多出其門臨終自知死期郡人益奇之爲葬於麒麟山下

道光志

麗江府

元

龍和 龍壽 太陽 竭都四人俱世祖入滇時從征裨將論功授侍衛佩虎符事平屢召入都以年老固辭遂同家於劍川

劍川州志

明

新纂雲南通志

卷二百五十八

寓賢傳二

曲靖府

清

七

麗江府 元 明

卓全節侯官人洪武間兵科給事中以建言謫戍鶴慶因家焉

鶴慶府志

敖毓元新喻人進士成化二十一年因劾李孜省僧繼曉謫爲麗江臨西縣丞博聞強記淹貫經史著有鍾彝集後起擢衡州知府累官

禮部左侍郎

道光志

宋守拙字王賓蜀人以明經佐思南府有惠政善詩古文詞解組後家於鶴慶人爭求辟爲幕府守拙介然不苟不合輒去言行端方里黨服其嚴正有子七人長子珍德守其家訓人稱有父風云

雍正志

黃河圖字十五和州人明末官戶部主事見時事艱難辭官訪天下名蹟來滇曾遊順寧後至鶴慶遂家焉精皇極經世學善詩著有稿其與陳虹也詩云到處詩文見故人天涯博得一身親高懷知有同心好吾道於今憶鳳麟

參鶴慶府志滇繫陳戶部傳

清

萬李全不知何許人初亦不言其姓氏至麗江寓木氏南園雪軒携一敝簾中惟五經騷選杜詩韓文餘一破硯終日手不釋卷雪夜酒酣朗誦輒至天明遇文人墨客縱談不倦能詩工書求者皆應之署以醉雪道人或雪山山長書法遒勁蒼古後有識者見之曰此萬李全筆也

麗江府志

李春榮字芳譜紹興人任鶴慶吏目性純靜善詩古文詞且精申韓術解組後應臬使某聘居會垣數年既耄憚煩乃挈眷於鶴慶家焉著有水石緣稿

道光志

屈爾泰禹都人乾隆初應協鎮董芳聘來劍川性好遊所至輒有題咏善寫摩窠大字遒勁絕倫得顏魯公意善繪龍一著墨便饒水雲

新纂雲南通志

卷二百五十八 寓賢傳二 麗江府清永昌府元明

八

氣道光志

永昌府

元

托克托舊作脫脫字大用馬札兒台長子丞相伯顏之姪也後至元六年為右丞相悉更伯顏舊政復科舉取士法至正三年詔修遼金宋三史命為都督總裁官十五年以事流雲南大理鎮西路及至騰衝知府高惠欲以女事之脫脫巽辭以絕尋遣官移置阿輕乞高惠以前不受其女首發鐵甲軍圍之哈麻復矯詔遣使鳩死年四十二訃聞中書遣官至其地易棺衣以殮二十三年監察御史張冲等上章雪其冤於是詔復官爵并給復其家產

元史列傳

明

姬思忠樂亭人元參知政事洪武初歸附授監察御史後以事編置金齒律身以禮夷俗化之康熙志

周志鉉字元亮永安人進士洪武初官翰林以事謫金齒精春秋人稱節孝先生康熙志

牛城洪武間駙馬有罪謫戍金齒衛公主同往道卒上聞命械至金齒殺之初至指揮胡琛即欲奉詔城曰姑緩一日琛以上命不可緩遂殺之裹屍方畢使者馳呼赦書至已無及矣永昌府志

道光志案明史崇凝公主洪武十七年下嫁牛城未幾薨無道卒事

傅天錫穎川人官大名府知府洪武間謫戍

道光志案永昌建有傅公祠在水碓今廢

范從文字復之崑山人文正公十三世孫洪武中以國子生奉使稱

新纂雲南通志

卷二百五十八

寓賢傳二 永昌府 明

九

旨擢監察御史改戶部總部主事以罪謫莊浪復改金齒十年赦歸

以薦為金華訓導所著有小學章詒宗牒譜遺後齋集若干卷康熙志

劉寅崑縣人洪武庚戌進士官江西僉事謫金齒貨藥訓蒙著有武經直解傷寒脈賦標幽賦註萬歷間巡撫陳用賓祀於會城與漢王

襄明楊慎為三賢云康熙志

高莘山東人洪武中以起居注官謫戍金齒時武臣強橫累欲延為館賓免其役莘不從乃使之守門終日執爨會大雨彌旬衣履狼藉殊無戚容其耿介如此康熙志

葉學則德興人博雅善歌詩洪武中召對稱旨擢奉訓大夫後謫居

永平以文雅化俗雍正志

易恆字可久長沙人積學篤行善書工詩文正統間謫昆明復徙騰

衝著有思誠稿道光志

徐有貞初名程字元玉吳縣人天順改元以迎復功特進柱國武功伯尋以論誣殺于忠肅罪編金齒居歸休庵一小室執爨守城不異行伍三年賜還康熙志

道光志按永昌府志云有貞之學自天官地理陰陽方技無所不通詩文雄偉奇麗詞尤絕妙在永昌時嘗謂守臣曰太保山北爲崇岡南則漸卑若樹之以松如此之高地日當有官顯於朝者守如其言果驗著有史斷奏疏雜文樂府通若干卷

楊慎字用修新都人少師廷和子也年二十四舉正德六年殿試第一授翰林修撰丁繼母憂服闋起故官十二年八月武宗微行始出居庸關慎抗疏切諫尋移疾歸世宗嗣位起充經筵講官嘗講舜典言聖人設贖刑乃施於小過俾民自新若元惡大奸無可贖之理時大璫張銳於經論死或言進金銀獲宥故及之嘉靖三年帝納桂萼張璫言召爲翰林學士慎偕同列三十六人上言臣等與萼輩學術

新纂雲南通志

卷二百五十八

寓賢傳二

永昌府

明

一〇

不同議論亦異臣等所執者程頤朱熹之說也萼等所執者冷裛段猶之餘也今陛下既超擢萼輩不以臣等言爲是臣等不能與同列願賜罷斥帝怒切責停俸有差踰月又偕學士豐熙等疏諫不得命偕廷臣伏左順門力諫帝震怒命執首事八人下詔獄於是慎及檢討王元正等撼門大哭聲徹殿廷帝益怒悉下詔獄廷杖之閱十日有言前此朝罷羣臣已散慎元正及給事中劉濟安磐張漢卿張原御史王實柯實糾衆伏哭乃再杖七人於廷慎元正濟竝謫戍餘削籍慎得雲南永昌衛先是廷和當國盡斥錦衣冒濫官及是伺諸途將害慎慎知而謹備之至臨清始散去扶病行萬里憊甚抵戍所將不起五年聞廷和疾馳至家庭和喜疾愈還永昌聞尋甸安銓武定亂朝文作亂率僮僕及步卒百餘馳赴木密所與守臣擊敗賊八年

聞廷和訃奔告巡撫歐陽重請於朝獲歸葬葬訖復還自是或歸蜀或居雲南會城或留戍所大吏咸善視之及年七十還蜀巡撫遣四指揮逮之還嘉靖三十八年七月卒年七十有二慎幼警敏十一歲能詩十二擬作古戰場文過秦論長老驚異入京賦黃葉詩李東陽見而嗟賞令受業門下在翰林時武宗問欽天監及翰林星有注張又作汪張是何星也衆不能對慎曰柳星也歷舉周禮史記漢書以復豫修武宗實錄事必直書總裁蔣冕費宏盡付稿草俾削定嘗奉使過鎮江謁楊一清閱所藏書叩以疑義一清皆成誦慎驚異益肆力古學既投荒暇書無所不覽嘗語人曰資性不足恃日新德業當自學問中來故好學窮理老而彌篤世宗以議禮故惡其父子特甚每問慎作何狀閣臣以老病對乃稍解慎聞之益縱酒自放明世記

新纂雲南通志

卷二百五十八

寓賢傳二

永昌府 明

一一

誦之博著作之富推慎爲第一詩文雜著至一百餘種竝行於世隆

慶初贈光祿少卿天啟中追諡文憲

明史列傳

道光志案康熙志載其戍滇時安寧守欲權民鹽牛稅慎謂此刀錐者宜推以與民軍官以濬海行役爲利督丁夫六千人下海民苦之慎作書箴告當事具報罷本傳未及載今附記之

祝璫德興人儒士性耿介工詩文尤善易謫戍騰衝尋宥歸從學者

攀留遂家焉年七十餘猶讀書不輟

康熙志

程源四川人崇禎進士有才名知明運將終不受職遜居永平山中

爲亂兵所害

雍正志

季思友不知何許人工於琴寓保山蕭寺嘗鳴琴以自樂

康熙志

周東華不知何許人本性崔傳爲甲申闔門罹難崔探花之弟自燕京遁至騰越變姓名爲周東華居寶峯寺嘗辟穀數月口不談釋老之言與講儒理則娓娓不倦曾題毘盧寺一聯云殿古含煙冷樓空

得月多騰越諸生吳茂桂段眞等十數人延於雪山師事之著有雪山集二十四篇當變革時遂遁去事定寄書一卷乃與敏恕道者問答語也皆中庸理致後竟不知所往

參雍正志永昌府志騰越州志

吳延齡字永壽餘姚人以賢良薦授清潤教諭因上言戍大理後調騰越遜跡屯伍以終其身

雍正志

楊彬江西人寓騰越性溫雅長於詩賦又能以義方教子

永昌府志

清

羅勳臣廣西人以事謫永昌胸懷平淡精宋儒諸家之學郡人多衍其傳卒葬郡城仁壽山左

永昌府志

鄭浩字文瀾揚州人以幕遊家於永昌性純和平淡交遊多名士詩得香山遺韻既老著不歸貧病二論妻吳氏亦解詩浩沒後力課二

新纂雲南通志

卷二百五十八

寓賢傳二

永昌府 明清

一一一

子成名

永昌府志

張槐字海門遼東人隨兄宦滇兄罷官槐遊永昌遂家焉性剛方善書法尤精畫有摩詰輞川意

永昌府志

曾其敬四川人隱於騰越之光明隘工詩出語清逸雅近王孟當時文士樂與之遊

光緒志

開化府

清

覃修綱西林人寄居文山幼失怙值地方變亂母子相失稍長投身軍籍隨地訪母消息後得之村農之家母已改適而繼父又故修綱接回奉養母既老時作班衣舞或與母作骨牌戲故使母贏引其歡心食必親侍不令妻妾奴婢在旁數十年如一日後以軍功仕至總

兵母壽終喪葬如禮訪探

東川府

清

李耀瑚字伯珊利津人進士嘉慶間任易門知縣後以事免官主講東川西林書院與諸生講求根柢之學精嚴理法矩矱森然東郡文

風為之一變光緒志

吳桂良紹興人咸豐間為知府汪之旭幕賓因遭亂流寓東川日與郡人為文字交學問淵雅善詩古文詞亂平歸里不知所終光緒志

昭通府

清

何可贊字位三武岡人少孤嗜學家貧不能卒業南游江漢至蜀轉

新纂雲南通志

卷二百五十八 寓賢傳二 東川府 清 昭通府 清 一三二

蒙化直隸廳 明

至樂馬廠後僑寓鎮雄援例太學乃家焉城內河口舊搭浮橋春夏輒沒行人病之贊獨力捐建累石成輿梁費金錢二十萬有奇額曰萬年橋即今鎮南橋也姓耿介能以虛公剖析他人事故楚人之囂競者惟贊可以息其喙云鎮雄州志

蒙化直隸廳

明

王汝敬字敬夫代郡人父大治任蒙化通判敬隨寓蒙教授生徒敦尚禮法蒙俗一變受業若陳時陳曉殷輅皆舉於鄉後歸里成進士

名重晉陽人稱山西王道學參康熙志 蒙化府志

曹學字行之一號大狂嘉靖初遊滇寓點蒼之中和山性傲能詩善草書尤精於畫隨性潑墨皆有神韻喜飲懶於下山繫錢與壺於驢

背入城市沽酒人知其為曹之驢也取錢貯酒復遣而歸嘗雪夜墜驢驢以身覆之得不死同楊慎寓蒙居數年卒他日驢經其墓躑躅

哀鳴撞死於側參康熙志大理府志

徐宏泰字交伯江西人明季任金滄分守道清慎高潔頗著風裁鼎

革後寓居蒙化性嗜吟詠與郡中人士相唱和囊橐蕭然泊如也寧

州陸天麟贈以詩云彭澤猶煩徵聘詔疊山誰許放歸時何如遯跡

天涯客題徧青山世不知其高致可想見己參蒙化府志蒙化縣志陸天麟烟坪詩鈔

陳斌江南人官總兵明末奉徵至滇因沙定洲之變不能歸孫可望

放之於蒙化親賢愛士志清潔詩文遒勁自成一家著有蘆籟集後

寓賓川因饑刺時貴為宦人所殺蒙化府志

永北直隸廳

新纂雲南通志 卷二百五十八 寓賢傳二 蒙化直隸廳 明 四

明

周良臣湖廣人正德間舉神童聞北勝有神童張宗楚不遠三千里

訪之因寓居焉雍正志

清

魏珩遼東人康熙三十二年由大理移居永北子翥國官臨元鎮總

兵以功祀賢良祠永北府志

張錫祚字爾介成都人隨父宦滇後至北勝清水驛家焉寶月寺有

其遺筆永北府志

韓文宗字起八莆田人任永寧府同知擢開化府不就寄籍永北精

通古學嘗與總鎮馬聲為文字交後歸睽北永北府志

傅登龍字際飛吉安人博聞強記工詩文應州牧申奇猷聘來北勝

後家於清水驛永北府志

劉漢恂字借君成都人工詩畫慕遊於滇後家於清水驛閉戶十餘

年讀書教子永北府志

廣西直隸州

明

王訪漢中人博學能文寓彌勒著有禮記撮要行世彌勒州志

武定直隸州

明

程濟朝邑人有道術洪武末官岳池教諭惠帝即位濟上書言某月某日北方兵起帝謂非所宜言逮至將殺之濟大呼曰陛下幸囚臣臣言不驗死未晚乃下之獄已而燕兵起釋之改官編修後金川門

新纂雲南通志

卷二百五十八 寓賢傳二 永北直隸廳 廣西直隸州 明 武定直隸州 明

一五

啟濟亡去或曰帝亦為僧濟從之易服為道人隨帝至滇未幾遍遊吳蜀粵楚而往來武定獅山濟委曲翼衛歷四十載供給使令聽順無忤嘗奉命述傳藏之山巖名從亡隨筆正統間從帝還京入大內乃嘆曰今日方終臣職矣復還滇焚庵散徒今獅山有建文祠與像

竝祀從亡諸臣參明史列傳康熙志

郭節連州人建文時為中書帝出亡節隱姓名號雪舫和尚因尋帝至滇常振衣千仞出袖中一册朗誦不知何書見人至仍貯袖中避他處每登獅山磐陀石上亦取袖中册讀之去來或經年後不知所

往康熙志

黃直常州人累官侍中改按察使建文出亡直遁遊夔慶間永樂七年入滇訪帝偶遇馮灌於市一見愕然相持入山哭語移日日言此

後無復相見至十年復入滇與淮會同還病於途帝自衡山歸見之

康熙志

道光志案明史程濟傳下有河西備補鍋匠之屬補鍋匠者常任來夔州重慶間業補鍋凡數年川中人多識之一日於夔州市遇一人相顧愕然已相持哭共入山巖中坐語竟日復相持哭別去其人即馮淮也補鍋匠當為黃直而武定志仙釋類亦載有補鍋

匠云為王之臣互異存參

馮淮黃巖人官刑部司務永樂元年從建文帝出亡至滇止永嘉寺變姓名稱馬二子或馬翁或塞馬先生尋奉命去十年復至滇時帝先出遊衡山訪淮淮不遇比見黃直來相持哭密語竟日即去帝聞淮入滇亦還於途間蕭寺廡下見二病者即淮與直也俄俱死葬於寺東帝題其石曰兩忠之墓

康熙志

道光志案明史外傳馮淮作馮翁任夔以章句授童子給衣食能為古詩後題馬二子馬公或塞馬先生後不知所終疑即淮也

程亨澤州人檢討亦建文從亡臣同入滇者

雍正志

新纂雲南通志

卷二百五十八

寓賢傳二

武定直隸州

明

一六

焦雲未詳何許人永樂六年同黃直至滇七年從建文帝東行

雍正志

史仲彬吳江人為徐王府賓初建文帝出亡曰吾今往滇南依西平

侯彬曰不若且止於是至吳江主彬家兩閱月由襄陽廖平家乃抵

滇時永樂元年正月也二年帝復至彬家製衣履而去八年彬偕程

亨郭節來滇尋帝各獻方物十五年彬復赴滇遇帝於大喜庵二十

二年彬來滇訪帝相值旅舍因同至彬家宣德元年帝以會稽之遊

至吳江時彬已死帝慰勞其子悲悼久之

雍正志

嚴震工部尚書密訪帝遇於雲南道中相持痛哭退而自縊於驛亭

以絕口

武定府志

道光志案明史列傳無嚴震有嚴震直字子敏烏程人洪武時累官工部尚書建文中嘗督餉山東已而致仕成祖即位召見命以故官巡視山西至澤州病卒又明史張統傳末載世傳燕師入京統即自經死嚴震直奉使雲南遇建文君悲愴吞金死考之國史

非其實也武定志所載震直事亦類此想由傳聞之誤或於嚴震下脫一直字俟考

尙禡字景福羅山人正統四年進士除行人上書諫毋繫囚大臣擢南院御史以劾周銓下獄謫雲南虛仁驛驛丞

禮萃農部瑣錄

謝秉鉉字石生山陰人明末舉人丙戌永曆即位官中書舍人戊子晉參議旋除戶部郎中丙申三月李定國迎永曆入滇秉鉉從之定國以武定有孫可望舊將賀九儀驕橫不法請以秉鉉爲守旣至閱城有營卒犯法立治之一時肅然滇田先爲可望所奪名曰營莊以營弁徵租賦弁製扁斗高五六寸稍高之即盛粟兩倍民病之以無田爲慶秉鉉以狀上毀斗弛禁定國更訪全滇得其尤甚者七人誅之滇民稱快明年定國發金二千徵民夫五百輓運烏撒他郡應夫仍歸金於定國惟武定悉散之民定國怒逮秉鉉及和祿兩州牧令凡五下人多危之旣至定國聲色俱厲秉鉉從容對曰方今臥薪嘗

膽之時非信義無以激發人心將軍重金而輕棄信義以失人心非計也且守誠不才負厥職罪之當矣若散金非罪也罪獨在守非諸人之罪也定國善而釋之又明年定國發金千兩糴米是時師將潰或勸勿發以自利卒盡發之其後米果不及徵貧民利者甚衆會以秉鉉巡金沙江督造船筏以備建昌之行旣而永曆奔緬秉鉉追不及中途隱去又二年人傳秉鉉在江干士民迎於和曲之西村居之貧甚食多不繼新守榆林張鳳翔因民之請以喇誤官地居秉鉉於祿勸掌鳩河之念多村耕而自食因家焉閱三十七年卒時康熙三八年己卯正月也年七十有五葬於硯瓦冲之原元謀令馬之鵬爲十立墓表

明季滇南遺民錄

馮萬保應天人明季以總兵官鎮永北滇敗乃流寓於祿勸州竟以

旅卒其子韜葬之於北郭外玉屏山下其子孫無聞惟州城之何余
二姓皆當日從萬保來者歲時祭墓農部
預錄

曹亮不知何許人久客於元謀寄情山水觸景歌吟極有韻致父老

嘗口誦之檀萃華
竹新編

彭學曾字孝頤松江人自蜀來寓元謀與縣令莫舜鼎相善同修縣

志多所題咏華竹
編新

元江直隸州

清

鄧魁春號梅庵撫州人學問綜博能讀百氏書尤工舉業順治元年
遊學至元江教授生徒多所成就雍正
志

黑鹽井直隸提舉司

新纂雲南通志

卷二百五十八

寓賢傳二

武定直隸州

明

一八

元江直隸州

清

黑鹽井直隸提舉司

明

明

張伯源濟南人戶部員外閃安之淮慶人戶部主事張彬之南陽人
戶部主事龔志奇漢中人戶部主事趙元蔭肇慶人戶部主事梁灝
高州人戶部主事安得之廬州人戶部郎中張從吉平陽人戶部簡
校陳榮平陽人戶部員外羅惠賢蘇州人喬彬太原人禮部主事孫
吉青州人禮部郎中余昱之武昌人禮部主事王應發南昌人禮部
主事衛士寧南安人禮部主事敖宗政袁州人禮部主事白得青州
人兵部主事羊通富瓊州人兵部郎中楊清兗州人刑部員外魏仲
安金華人刑部郎中宋景初濟南人刑部主事蔣子華嘉興人刑部
員外仇林之甯波人刑部主事李勝之叙州人刑部主事林元廣廣
州人刑部主事譚俊連州人刑部主事閻儀之濟南人工部主事李

權廣平人工部主事沈元直泗州人工部主事趙進成濟南人工部

主事李良臣東昌人工部主事陳欽開封人工部主事張錫之大同

人工部簡校趙鳴謙紹興人河南道巡按劉觀南陽人廣東道巡按楊清開

封人廣東道巡按史大方保定人按察司副使宋長卿黎城人山西參政陳

奇生溫州人廣東鹽運同知方珍寶廬州人平陽通判韓嚴大名人烏撒推官

熊木道南昌人丹陽縣知縣曾信吉安人桂林縣知縣張福緣青州人霍濱縣知縣延常潞

州人定遠縣知縣丁子順兗州人西山縣知縣陳燕高兗州人浮山縣知縣張子善廣信人

鎮南衛知縣朱稚廣州清遠縣舉人胡爾昇廣州人監生蘇瀚之太原人生

員趙輔堅順天人太醫院陳子華寧波人醫士杜子榮崑山人醫士

宋得全大同人定遠縣壽官馬翼平涼人老人楊恩禮黎城人民戶馬受之

嘉興人民戶曲砍兒文風人民戶孫信紹原人民戶汪志華鄂城人

民戶萬仲信處州人民戶章緣孫龍泉人民戶延貴潞州人民戶

以上俱洪武二十六年奉旨遷黑鹽井為竈丁道光志